



D.o.o. „TRA“ Agencija za razvoj općine
Tešanj, Trg Alije Izetbegovića br.11
74260 Tešanj
Tel./Fax: +387 32 650 608; +387 32 650 390;
e-mail: tra@opcina-tesanj.ba

Broj: 235-1/16

Datum:23.06.2016 .godine

ZAPISNIK

XX sjednice Nadzornog odbora „TRA“ d.o.o-Agencije za razvoj općine Tešanj

Zapisnik vodio: Muamer Omahić

Prisutni članovi Nadzornog odbora Agencije:

1. Amir Kurtić
2. Muharem Saračević
3. Rasim Omerbašić

Prisutni :

1. Ismar Alagić, direktor Agencije TRA

Sjednica Nadzornog odbora „TRA“ d.o.o-Agencije za razvoj općine Tešanj, održana je u četvrtak 23.06.2016.godine, sa početkom u 15:30 sati u kancelariji Agencije za razvoj općine Tešanj sa predloženim slijedećim tačkama dnevnog reda:

1. Utvrđivanje zapisnika sa XIX sjednice Nadzornog odbora Agencije TRA
2. Izvještaj o realizaciji aktivnosti na projektima COBEAR i Podizanje zasada maline na području općine Tešanj
3. Donošenje odluke o raspisivanju konkursa za prijem uposlenika u Agenciju za razvoj općine Tešanj
4. Razno

Predsjednik Nadzornog odbora Agencije, g-din. Amir Kurtić daje na raspravu predloženi dnevni red za osamnaestu sjednicu Nadzornog odbora Agencije TRA. Prisutni članovi Nadzornog odbora prihvatili su prijedlog dnevnog reda za 20. sjednicu Nadzornog odbora Agencije „TRA“ d.o.o.

Ad 1.

Nadzornom odboru Agencije TRA, blagovremeno je dostavljen zapisnik sa 19. održane sjednice. Članovi Nadzornog odbora nisu imali primjedbe za zapisnik sa 19. održane sjednice. Nakon zaključene rasprave Nadzorni odbor Agencije TRA, donosi:

ZAKLJUČAK

Prihvata se zapisnik sa 19. održane sjednice Nadzornog odbora “TRA“ d.o.o-Agencije za razvoj općine Tešanj.

Ad 2.

Predsjednik Nadzornog odbora Agencije TRA, g-din. Amir Kurtić otvara raspravu za drugu tačku dnevnog reda „Izvještaj o realizaciji aktivnosti na projektima COBEAR i Podizanje

zasada maline na području općine Tešanj“ i daje riječ direktoru „TRA“ d.o.o-Agencije, g-dinu Ismaru Alagiću da ukratko upozna o aktivnostima na projektima. Direktor Agencije, g-din. Ismar Alagić je upoznao članove Nadzornog odbora da aktivnosti na projektu COBEAR teku po planu, potpisan je ugovor za isporuku opreme za tri općine tj. oprema za zavarivače, za tekstilce i mehatroničare, isporuka je u narednih 60 dana. Raspisani su tenderi za protutipove, pripreme za uvođenje standarda kvaliteta, GNSS Rover uređaj i uslugu brendiranja. Ove nabavke uglavnom će biti usmjerene kao vid podrške prema firmama. U narednom periodu je otvaranje ponude kao i zaključivanje ugovora sa najpovoljnijim ponuđačima. Po pitanju projekta „Podizanje zasada maline na području općine Tešanj“ berba je već počela i u tom djelu ostvaruju se značajni rezultati. Problemi se javljaju kod otkupne cijene, jer je ona smanjena u odnosu na planiranu što je uzrokovalo samo tržište. Određen broj malinjaka 5-6 je imao problema sa sušenjem. Ponuđač Heko d.o.o nije ispunio svoju obavezu o namirenju sadnica iako je potpisana Izjava od strane direktora da će blagovremeno isporučiti 50% kontejnerskih sadnica od onih koje nisu privobitno primljene. Održan je sastanak sa predstavnicima Korisnika projekta i oni su zahtjevali da se sadnice, koje nisu primljene korisnicima otpišu. U međuvremenu predstavnici Heko d.o.o su se javili i predložili da isporuče neprimljene sadnice goli žila malina za jesen. Zatražen je sastanak sa predstavnicima firme Heko d.o.o u cilju iznalaženja nastale situacije. U narednom periodu potrebno je zauzeti stav po ovim pitanjima, kao i da se prihode od Korisnika rasporede prema projektu na nove nasade, plaću agronoma ali i saniranje stradalih malinjaka. Za riječ se javio član Nadzornog odbora, g-din. Muharem Saračević, koji je mišljenja da neophodno nastale poteškoće u realizaciji projekta Podizanje zasada malina na području općine Tešanj što prije rješavati, kao bi se postigli planirani rezultati. Član Nadzornog Rasim Omerbašić smatra kako je projekat Podizanje zasada malina postigao odlične efekte na terenu, otkup je već počeo se realizirati i veći broj korisnika je zadovoljan, ali i da postoje korisnici koji imaju poteškoće po pitanju uroda, kojima je potrebna pomoć u saniranju malinjaka. Po pitanju slučaja Heko d.o.o potrebno je uložiti napore, kako bi se obezbjedile sadnice prije pokretanja bilo kakavog sudskog spora. Predsjednik Nadzornog odbora, g-din. Amir Kurtić je mišljenja da je korisnicima kojima nisu primljene sadnice od Heko d.o.o otpisati, a u slučaju isporuke sadnica od strane pomenutog dobavljača iste preusmjeriti u podizanje novih zasada. Nakon zaključene rasprave Nadzorni odbor Agencije TRA, donosi

ZAKLJUČAK 1.

Prima se k znanju informacija o realizovanim aktivnostima na projektima COBEAR, Podizanje zasada maline na području općine Tešanj.

ZAKLJUČAK 2.

Zadužuje se Uprava „TRA“ d.o.o –Agencije za razvoj općine Tešanj da u narednom periodu riješi nastalu situaciju u vezi isporuke neprimljenih sadnica od strane Heko d.o.o, a korisnicima kojima nisu primljene sadnice od navedenog Dobavljača otpiše prema dostavljenom izvještaju agronoma.

Ad 3.

Predsjednik Nadzornog odbora Agencije TRA, g-din. Amir Kurtić otvara raspravu za treću tačku dnevnog reda **Donošenje odluke o raspisivanju konkursa za prijem uposlenika u Agenciju za razvoj općine Tešanj** i daje riječ direktoru „TRA“ d.o.o-Agencije, g-dinu Ismaru Alagiću da ukratko upozna o razlozima donošenja Odluke. Direktor Agencije, g-din. Ismar Alagić je ukazao članovima Nadzornog odbora da zbog ranijeg odlaska finansijskog menadžera projekata g-dina. Senada Lekića i najavljenog odlaska uposlenika Muhameda Džihića javila se potreba za prijem uposlenika u TRA d.o.o na poziciju Finansijskog menadžera projekata. Projektom Competitiveness of Business Excellence Area“ (COBEAR) predviđeno je učešće TRA d.o.o-Agencije za razvoj općine na projektu između ostalih učešća i kroz prikaz plate Finansijskog menadžera projekata u iznosu od 50% plate. S obzirom da je dosadašnji finansijski menadžer projekata već raskinuo ugovor o radu, a da na tu poziciju zbog najavljenog odlaska i uposlenika Muhameda Džihića nemoguće popuniti postojećim

kapacitetima Agencije potrebno je navedenu, radnu poziciju u popuniti do kraja planirane realizacije projekta, a to je 26.05.2017.godine. U skladu s tim direktor Agencije predlaže raspisivanje konkursa za popunu radne pozicije finansijskog menadžera projekata na određeno vrijeme do okončanja projekta COBEAR. Nakon iznesenog prijedloga Nadzorni odbor Agencije donosi:

ODLUKU

o raspisivanju konkursa za prijem Finansijskog menadžera projekata u radni odnos na određeno vrijeme

ZAKLJUČAK 1.

Izbor kandidata koji su se prijavili na javni oglas-konkurs za radnu poziciju „Finansijski menadžer projekata“ izvršit će Komisija za izbor u slijedećem sastavu:

- 1. Rasim Omerbašić/predsjednik komisije**
- 2. Muharem Saračević/član komisije**
- 3. Umihana Krličević - Omerović/član komisije**

ZAKLJUČAK 2.

Zadužuje se Uprava TRA d.o.o-Agencije za razvoj općine Tešanj da provede konkursnu proceduru u skladu sa Pravilnikom o kriterijima provođenja oglasne procedure za prijem uposlnika u „TRA“ d.o.o-Agencije za razvoj općine Tešanj.

Ad 4.

Pod tačkom **Razno** Direktor TRA Agencije je prezentovao realizaciju tri projekta koji su okončani od posljednje sjednice NO TRA, i to:

-Obuka Six Sigma Green Belt (15 polaznika sa VSS strukom iz 7 firmi), vrijednost projekta je 10.220,00 KM

-Unapređenje mljekarstva na području općine Tešanj (35 muzilica podijeljeno, 2Milco-scan uređjaja, 2 seminar, 1 okrugli sto, štampana publikacija Dobra higijenska praksa u proizvodnji mlijeka, studijska posjeta Srbiji), vrijednost projekta 52.076,25 KM


-Podizanje nasada malina na području općine Tešanj (podrška sistemima navodnjavanja, oprema za uzgoj malina, brošura o uzgoju malina, okrugli sto, studijska posjeta Srbiji), vrijednost projekta 24.980,00 KM. Opći dojmovi o realizaciji navedena tri projekta su visok nivo zadovoljstva i podrška od strane korisnika. Direktor Agencije je predstavio projekat koji je odobren od strane Češke razvojne Agencije. Predstavljena je ukupna vrijednost projekta kao iznos učešće Općine Tešanj, osnovne aktivnosti na projektu. Obaveza Agencije kao implementatora jeste da plati i PDV na robu tj, uvezene plastenike na koji ima pravo povrata u skladu sa međunarodnim ugovorom. Direktor je ukazao da su predstavnici donatora već zvali s obzirom da bi projekat trebao početi sa implemenatcijom zvanično od 01.07.2016. godine. U skladu sa Statutom za potpisivanje ovog ugovora potrebna je prethodna saglasnost Skupštine TRA, stoga potrebno je održati što prije sjednicu Skupštine Agencije kako bi dala saglasnost na potpisivanje Ugovora za realizaciju projekta. Važno je napomenuti da je ovo ostao jedini projekat u BiH koji je podržan po objavljenom pozivu Češke razvojne agencije. Direktor je istakao značaj i hitnost održavanja Skupštine TRA najkasnije u narednih 7 dana, zbog dobijanja saglasnosti na projekat sa Češkom razvojnom agencijom vezano za podršku plasteničkoj proizvodnji. Predsjednik NO TRA je obećao da će se Skupština TRA održati najkasnije do 01.07.2016. godine. Istaknuto je da je na poziv IPA CBC HR-BiH-CG, TRA Agencija kandidovala šest projekata. Nakon zaključene rasprave Nadzorni odbor Agencije donosi:

ZAKLJUČAK


Predsjednik Nadzornog odbora će održati sastanak sa Općinskim načelnikom u vezi implementacije projekta, koji je podržan od strane Češke razvojne agencije, kao i određivanja termina održavanja Skupštine TRA u cilju davanja saglasnosti na potpisivanje ugovora za implementaciju navedenog projekta.

Sjednica Nadzornog odbora „TRA“ d.o.o-Agencije za razvoj općine Tešanj je završena u 16:45 h.

Zapisničar :


Muamer Omrić, dipl. pravnik

Predsjednik Nadzornog odbora Agencije TRA


Amir Kurtić, dipl ing. elektrotehnike